

111 年全國語文競賽原住民族語朗讀 【拉阿魯哇語】 國中學生組 編號 3 號

sipiatuturu turukuka nua tahliaria

ahlamakiariari amihlasasaruananaia usuamika tahliaria, arupakiapuhlu  
usua tahliaria, matapuahluka ucani, kiacunguhluca ucani kipuhlu, kuhlaisai  
sasaruanana ucanika sihlangu u'ka'aka vurunganu, tamlangulanguka cucu'u  
mangusipi, kuacahli cuhlaumangu taluvaulu, cuhlaumangu malusapu,  
mavacangukai maruka cacihli vasungahlaisaia hla'ungali, kumita kana'ana  
cucu'uka mi'arahlasu, takacicihli tumamahlungu taiisa vuuru, ruavici  
valuisa, musa masaku tamusulu uruamitana tahliaria, kuricapi  
hlakaucanisaka tahliaria.

pacupacupunguka cucu'u, kani'ia aravacangicu'aika takuamia  
mangusipi kuatutuhlungu muruhluca ucani tahliaria, muruahu murumita,  
arasusumaka saruana, uka'aka sihlangu, macimusasalaka cucu'u ahla  
taku'i'iarua tumuapatuakima, masumutaka cucu'u, kuacahlia  
sitahlamiamiaisa.

amihla kana'aia cucu'u nua kuli'i maraiaulu manakakari,  
tuahluarupakari, tarucucuvunguka cucu'u nuka kuli'i makarikari, akuainia  
tahliariana apurumita? umacuka kalavanguna amiami, muasaku arupakari  
tahliaria, ahlamuruahlu tahliariana kumita 'ungukalavanguna, malivutu

makari kalavunguna, kuhlaisai kuli'i pi'ungunaia uka'a cacihli  
tuahluamahlukuaisana makari, umarucarucakuka alumuulu muasalaku'ai  
amihla.

ahla takuliacua vahlicisahla mulungusua ahliisa,  
mahlasungusungu kumitaisana, malivutu makariisana, kuhlaisai piahlia  
mulungusua, rianu kuariatara' uhlaisana, aunanaia, maramisaini?

ulavaisa umamuamuaruka turukuka umacuka,  
pisauhlulu tahlamuaku'ai amihla? maituturu tahliariana kana'ana, ausii  
kuuruahluu cucu'u, maimacucu makarisana, makaria turukukanan tahliaria,  
macukuuruamita, cucu'u hla kuli'i aunini mangusipi, hlilumulumuka  
mumu ku ahluataisa, amihlaka tahliaria, maiakakamuihlaku, umalivaluka  
turukuka, hlimakaricuamu mumu, uka'a maiakakaihlau,  
macukupuamacuisaia, tuahluaku ariari umani, paracahlia ihlau uka'a  
apaihlipihla, aunanacua hlakana'ana tumamahlungu sipiatuturaisa, macuaku  
siapipapuahliuia uka'a apaihlipihla, tuahliumaialalangu pingahluumania,  
mauhlahlangukia paranau, siapipapuahliuia, muasakia ihlau ilikusu  
caaluna mitaluvungu.

111 年全國語文競賽原住民族語朗讀 【拉阿魯哇語】 國中學生組 編號 3 號

雞與太陽的約定

世間原本有兩個太陽，人類生活困難，不知道什麼時候可以休息，幸好有位勇士爬到太陽出現的山頭，射下其中一個太陽。

剩下的太陽受到驚嚇不敢出來，大地無光，人類工作必須點火把，不知道怎麼辦。

當時人類與動物可以互相交談，他們集合商討如何讓太陽出來。牛先說，我去跟太陽說。但太陽害怕牛角，不願跟牛說話，所以有角的動物都說不上話。山豬說讓我去。但他脾氣太壞，牙齒太長，太陽厭惡他，不願意說話，所以有長獠牙也都不被接受。

最後，雞緩緩說我試試看，太陽仔細看他，不會害怕，願意跟雞說話，雞說，你不出來，大家不知如何生活，農作物不能生長。太陽說，你們會傷害我。雞回答，我們討論過，沒有人會傷害你，若你不信，我每天啼叫通知你有沒有危險。起初太陽不太相信雞，曾經出來一下子又回去，經過一段時間後，才按著約定出現，雞也如此，每天按時啼叫，這是他們的約定。